



SAKSPAPIR

Saksnr	Utval	Type	Dato
28/2020	Kommunestyret	PS	19.05.2020

Sakshandsamar	Arkiv	ArkivsakID
Tore Henrik Øye	FA-K22	18/553

UTTALE TIL HØYRING OM STRATEGIDOKUMENT FOR NORDHORDLAND UNESCO BIOSFÆREOMRÅDE

Vedlegg:

Strategidokument for Nordhordland UNESCO Biosfæreområde 2020-2024
Høringsbrev strategi for Nordhordland UNESCO biosfæreområde

Rådmannen sitt framlegg til vedtak:

Kommunestyret i Vaksdal kommune sluttar seg til høringsframlegget om «Strategidokument 2020-2024 for Nordhordland Biosfæreområde», med målformuleringar og handlingsprogram.

Rådmannen inviterer leiinga i Nordhordland biosfæreområde til å informere kommunestyret om satsinga i løpet av hausten 2020.

Kommunestyret - Sak 28/2020

KOM - Behandling:

Samrøystes vedtak.

KOM - Tilråding/Vedtak:

Kommunestyret i Vaksdal kommune sluttar seg til høringsframlegget om «Strategidokument 2020-2024 for Nordhordland Biosfæreområde», med målformuleringar og handlingsprogram.

Rådmannen inviterer leiinga i Nordhordland biosfæreområde til å informere kommunestyret om satsinga i løpet av hausten 2020.

SAKSOPPLYSINGAR:

Samandrag/konklusjon (kort om saka)

Den 19. juni 2019 vart Nordhordland utnemnd til UNESCO biosfæreområde for berekraftig utvikling, som det første området i Norge. Skipinga er tufta på FN sine 17 berekraftsmål. Området femner både hav, fjord og fjell, og omfattar 9 kommunar som strekk seg frå Øygarden og Fedje i vest, til Modalen inst i Osterfjorden. Vaksdal kommune har slutta seg til biosfæreområdet gjennom vedtak i kommunestyret av 25.06.18, sak 44/ 2018, jf. «formelt grunnlag» i saksutgreiinga.

Det første strategidokumentet til Nordhordland Biosfæreområde er no sendt på høyring til aktuelle partar, med 15. juni som høyringsfrist.

Bakgrunn for saka

Som følgje av det nemnde høyringsframlegget, legg rådmannen fram dokumentet til politisk handsaming i Vaksdal kommune.

Føremålet med strategidokumentet er gje å området ein god plan for felles arbeid mot berekraftig utvikling. Høyringsframlegget er eit resultat av breitt, folkeleg engasjement og medverknad i form av ulike møte og samlingar, mellom anna med deltaking frå både kommunen, næringslivet og ulike organisasjonar i Vaksdal.

Strategidokumentet er tufta på bruk av lokale ressursar, kunnskapar og idear. Dokumentet har eit langsiktig perspektiv, men skal reviderast kvart fjerde år. Handlingsprogrammet i framlegget syner kva tiltak som vil bli prioritert framover. Programmet skal rullerast kvart andre år.

Høyringsframlegget prioriterer følgjande satsingsområde, med eigne strategiar/tiltak for kvart område, jf. høyringa:

1. Levande lokalsamfunn.
2. Natur, miljø og klima.
3. Kunnskap og læring.
4. Grøn verdiskaping.
5. Møteplassar og kommunikasjon.

Høyringsframlegget går inn for fleire tiltak innanfor kvart satsingsområde, der leiinga i biosfæreområdet si involvering varierer frå iverksetting og gjennomføring, til å vere samarbeidspart og inspirator. Det vert elles vist til dokumentet sitt handlingsprogram for nærare informasjon om innhald og rolle-/ansvarsfordeling.

Formelt grunnlag

Vedtak i kommunestyret av 25.06.18, sak 44/ 2018:

- «Vaksdal kommune støttar Region Nordhordland sitt kandidatur til å bli eit UNESCO

Biosfæreområde Kommunen forpliktar seg, i samarbeid med dei andre kommunane i regionen, å finansiere sin rettmessige del for første fasen av biosfæreområdet si verksemd - innanfor den ramma som er sett i budsjettet for perioden 2019 – 2021»

Vurdering og konsekvensar

Rådmannen har ingen spesielle merknadar til målformuleringane og handlingsprogrammet i strategidokumentet, og meiner det er godt samsvar mellom mål, strategiar og tiltak. Gjennomføringa av tiltaka det er gjort framlegg om, involverer alle aktørane i biosfæreområdet, frå prosjektleiing, offentleg forvalting og forskning, til skular, grunneigarar og lokale organisasjonar. I dette høve er det viktig å vere merksam på kommunen sin rolle og funksjon, og det vil vere naturleg å inkludere deltakinga i biosfæreområdet og innhaldet i strategiplanen i den overordna samfunnsplanlegginga (kommuneplan, handlingsprogram og økonomiplan).

Ut over informasjonen og vurderingane ovanfor, vert det vist til vedlagt «Strategidokument 2020-2024, med følgeskriv frå Nordhordland Biosfæreområde.